

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNA JAVNA USTANOVA
DOM ZA DJECU BEZ RODITELJSKOG STARANJA

Broj: 578-1/15
Sarajevo, 13.03.2015. god.

Na osnovu člana 27 Zakona o ustanovama („Službeni list RBiH“ broj 6/92, 8/93 i 13/94) i člana 30 Pravila KJU Dom za djecu bez roditeljskog staranja, Upravni odbor KJU Dom za djecu bez roditeljskog staranja, na svojoj 25. sjednici održanoj 13.03.2015. godine donosi

ODLUKU

I

Donosi se Pravilnik o organizaciji ljetovanja, zimovanja, izleta i drugih odgojno-obrazovnih aktivnosti djece – štíćenika KJU „Dom za djecu bez roditeljskog staranja“ Sarajevo. broj 578/15.

II


Odluka stupa na snagu danom donošenja.

Obrazloženje

Upravni odbor KJU Dom za djecu bez roditeljskog staranja je na svojoj 25. sjednici održanoj dana 13.03.2015. godine, na prijedlog direktora razmatrao i donio Pravilnik o organizaciji ljetovanja, zimovanja, izleta i drugih odgojno-obrazovnih aktivnosti djece – štíćenika KJU „Dom za djecu bez roditeljskog staranja“ Sarajevo. Nakon provedene diskusije, odlučeno je kao u dispozitivu.

Dostaviti

1. Upravni odbor,
2. a/a.



PREDSJEDNIK
UPRAVNOG ODBORA

[Redacted Signature]
Izeta Aganović Mušinović

Na osnovu člana 27. stav 1. alineja 6 Zakona o ustanovama („Službeni list RBiH“ br 6/92, 8/93 i 13/94) i člana 30. Pravila Kantonalne javne ustanove Dom za djecu bez roditeljskog staranja, na prijedlog direktora, Upravni odbor *donosi*

P R A V I L N I K

O ORGANIZACIJI LJETOVANJA, ZIMOVANJA, IZLETA I DRUGIH ODGOJNO-OBRAZOVNIH AKTIVNOSTI DJECE – ŠTIĆENIKA KANTONALNE JAVNE USTANOVE „DOM ZA DJECU BEZ RODITELJSKOG STARANJA“ SARAJEVO

I – OPĆE ODREDBE

Član 1.

(Opće odredbe)

- (1) Ovim Pravilnikom propisuju se načini, uvjeti, mjere sigurnosti te prava i obaveze zaposlenika i djece-štićenika KJU Dom za djecu bez roditeljskog staranja u aktivnostima vezanim uz ljetovanje, zimovanje, izlete, ekskurzije i druge oblike odgojno-obrazovnih aktivnosti u mjestu i izvan mjesta u kojem je sjedište KJU Dom za djecu bez roditeljskog staranja.
- (2) Boravci van ustanove, čiji je cilj posjeta biološkim roditeljima, zakonskim starateljima i drugim osobama po odobrenju staratelja, ne smatraju se boravcima van ustanove u smislu ovog Pravilnika.
- (3) Izrazi koji se koriste u ovom Pravilniku, a koji imaju rodno značenje, bez obzira na to jesu li korišteni u muškome ili ženskome rodu, obuhvaćaju na jednak način i muški i ženski rod.

Član 2.

(Pojmovi korišteni u ovom Pravilniku)

- (1) „Dom“ – KJU „Dom za djecu bez roditeljskog staranja“
- (2) „Djeca“ – Štićenici Kantonalne javne ustanove „Dom za djecu bez roditeljskog staranja“,
- (3) „Ljetovanje / zimovanje“ –višednevno putovanje radi posjete prirodnim, kulturnim, historijskim, sportskim i drugim mjestima koje organizira Dom u svrhu ispunjavanja određenih odgojno-obrazovnih ciljeva i zadaća.
- (4) „Posjeta“ je oblik boravka van objekta Doma, u jednodnevnom trajanju, i to ustanovama, institucijama (muzej, galerija, pozorište, kino i sl.) u svrhu ispunjavanja određenih odgojno-obrazovnih i zdravstvenih ciljeva i zadaća.
- (5) „Druge odgojno-obrazovne aktivnosti“ izvan škole su: škola plivanja, terapijsko jahanje, sportske aktivnosti (treninzi), posjete ili učešće u kulturnim i sportskim manifestacijama i događajima te druge aktivnosti koje su u funkciji ostvarivanja odgojno-obrazovnih ciljeva i zadaća u skladu sa ciljevima osnivanja Kantonalne javne ustanove „Dom za djecu bez roditeljskog staranja“.

II – PRAVA I OBAVEZE

Član 3. (Način realizacije)

- (1) Aktivnosti vezane za realizaciju ljetovanja, zimovanja, izlete, ekskurzije i druge oblike odgojno – obrazovnih aktivnosti u mjestu i izvan mjesta u kojem je sjedište KJU Dom za djecu bez roditeljskog staranja planiraju se godišnjim planom i programom u skladu sa finansijskim mogućnostima Ustanove.
- (2) Prijedlog aktivnosti ljetovanja/zimovanja utvrđuje i razmatra stručni kolegij Doma, te se isti dostavlja direktoru Doma.
- (3) Prijedlogom se utvrđuje mjesto, vrijeme trajanja, način realizacije, potrebna finansijska sredstva, brojno stanje djece i osoblja obuhvaćenih ovim aktivnostima.
- (4) Stručni kolegij pri odabiru djece uzima u obzir zdravstveno stanje djece, primjereno ponašanje, školska postignuća te druge odgojno-obrazovne kriterije.
- (5) Ukupan broj ljetovanja za jedno dijete na destinacijama izvan Bosne i Hercegovine je dva u jednoj kalendarskoj godini.
- (6) Izuzetno, na prijedlog Stručnog kolegija, broj ljetovanja za jedno dijete može se povećati sa ciljem daljneg motiviranja i nagrađivanja djeteta.
- (7) Ustanova je dužna zatražiti pisanu saglasnost organa staranja za aktivnosti vezane uz ljetovanje, zimovanje, izlete, ekskurzije i druge oblike odgojno obrazovnih aktivnosti najmanje sedam dana prije realizacije.
- (8) Pisana saglasnost se ne traži za druge odgojno-obrazovne aktivnosti naveden u članu 2. ovog Pravilnika.

Član 4. (Planiranje i realizacija)

- (1) Prilikom realizacije aktivnosti vezanih uz ljetovanje, zimovanje, izleti i ekskurzije određuje se koordinator iz reda stručnih zaposlenika službe za vaspitno-pedagoški rad.
- (2) Dom obavezno obezbjeđuje odgovorajuću pratnju koju čine stručni zaposlenici: stručni saradnik – školski odgajatelj, viši samostalni referent – predškolski odgajatelj, medicinska sestra i domaćica, a po potrebi i drugo odgovarajuće stručno lice van ustanove.
- (3) Broj zaposlenika za djecu koja nemaju razvojne smetnje (zdravstvene i psiho –socijalne prirode) određuje se kako slijedi:
 - Za djecu uzrasne dobi od 0-2 godine, 1 pratilac na 2 djece,
 - Za djecu uzrasne dobi od 2-7 godine, 1 pratilac na 3 djece,
 - Za djecu uzrasne dobi od 7-18 godina, 1 pratilac na 5 djece,
- (4) Direktor Doma u izuzetnim slučajevima, na prijedlog Stručnog kolegija, može povećati ili smanjiti broj pratilaca, u zavisnosti od planirane destinacije i drugih organizacionih uvjeta definisanih Planom aktivnosti.
- (5) Stručni saradnik – školski odgajatelj u pratnji djece izrađuje plan aktivnosti koji sadrži rekreativne i odgojno- obrazovne ciljeve.

Član 5. (Obaveze zaposlenika u pratnji)

- (1) Zaposlenici u pratnji djece obavezni su:
 - predložiti plan i program te odredište ljetovanja / zimovanja,

- predložiti aktivnosti za djecu,
 - sudjelovati u pripremi i realizaciji predviđenih aktivnosti sa djecom,
 - pružati djeci pomoć i dati informacije vezane uz realizaciju planiranih aktivnosti,
 - osigurati djeci vrijeme za odmor i razmotriti prijedloge i/ili pritužbe,
 - nastojati obezbijediti primjereno ponašanje djece u prijevoznim sredstvima, ugostiteljskom objektima domovima ili drugim smještajnim objektima ili ustanovama koje posjećuju, poštujući kućni red i/ili druge propise objekta u kojem borave
 - voditi računa o zdravlju i sigurnosti djece,
 - brinuti o potrebnim sredstvima i pomagalicama za realizaciju planiranih aktivnosti.
- Podnijeti direktoru Doma izvještaj o realiziranim aktivnostima na ljetovanju/zimovanju.

Član 6.

- (1) Dom može organizirati jednodnevni izlet ili posjetu uz poziv pravnog ili fizičkog lica, uz angažman odgovarajućeg davatelja usluga, a u skladu s propisima koji uređuju pružanje usluga u turizmu i drugim propisima.
- (2) Ukoliko se ljetovanje / zimovanje organizira iz vlastitih sredstava, izbor najpovoljnijeg ponuđača za sve prateće usluge obavljat će se u skladu sa zakonskim propisima BiH.

III - PRELAZNE I ZAVRŠNE ODREDBE

Član 7.


- (1) Pitanja koja nisu eventualno regulisana ovim Pravilnikom neposredno će se primjenjivati odluke, uputstva i naredbe direktora Doma.
- (2) Izmjene i dopune ovog Pravilnika vrše se na isti način propisan za njegovo donošenje.
- (3) Nepridržavanje odredbi ovog Pravilnika predstavlja lakšu povredu radne obaveze.

Član 8.

Ovaj Pravilnik stupa na snagu i primjenjuje se danom donošenja.

Broj: 578/1
Sarajevo, 13.03.2015. godine




Predsjednik Upravnog odbora
Izeta Aganović Mušinović

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNA JAVNA USTANOVA
DOM ZA DJECU BEZ RODITELJSKOG STARANJA

Broj: 1225-1/15
Sarajevo, 15.06.2015. god.

Na osnovu člana 27 Zakona o ustanovama („Službeni list R BiH“ broj 6/92, 8/93 i 13/94) i člana 30 Pravila KJU Dom za djecu bez roditeljskog staranja, Upravni odbor KJU Dom za djecu bez roditeljskog staranja, na svojoj 27. sjednici održanoj 15.06.2015. godine donosi

ODLUKU

I

Donosi se Pravilnik o dopuni Pravilnika o organizaciji ljetovanja, zimovanja, izleta i drugih odgojno-obrazovnih aktivnosti djece – štíćenika KJU „Dom za djecu bez roditeljskog staranja“ Sarajevo. broj 1225/15.

II

Odluka stupa na snagu danom donošenja.

Obrazloženje

Upravni odbor KJU Dom za djecu bez roditeljskog staranja je na svojoj 27. sjednici održanoj dana 15.06.2015. godine, na prijedlog direktora razmatrao i donio Pravilnik o dopuni Pravilnika o organizaciji ljetovanja, zimovanja, izleta i drugih odgojno-obrazovnih aktivnosti djece – štíćenika KJU „Dom za djecu bez roditeljskog staranja“ Sarajevo. broj 1225/15. Nakon provedene diskusije, odlučeno je kao u dispozitivu.

Dostaviti

1. Upravni odbor,
2. a/a.

PREDSJEDNIK
UPRAVNOG ODBORA

████████████████████
Izeta Aganović Mušinović



